



JAVNI POZIV ZA DOSTAVLJANJE PROJEKTNIH PRIJEDLOGA

Oznaka poziva:	17.01.0-N2.1-1341
Naziv poziva:	
Datum objave poziva:	12. 9. 2018.
Rok za dostavljanje projektnih prijedloga:	12. 10. 2018. do 16.00 sati

Javni poziv za dostavljanje projektnih prijedloga

Institut za razvoj mladih KULT poziva nevladine organizacije registrirane u Bosni i Hercegovini (udruženja i fondacije osnovane prema zakonima o udruženjima i fondacijama u BiH) da dostave svoje projektne prijedloge u okviru **podrške aktivnostima nevladinih organizacija u BiH koje rade na pitanjima mladih**.

Na javni poziv se ne mogu prijaviti: javne ustanove, institucije vlasti, privredna društva, vjerske organizacije, politički subjekti, kao ni međunarodne nevladine organizacije koje nemaju registrirano svoje predstavništvo u Bosni i Hercegovini.

Sve projektne aktivnosti moraju se realizirati u Bosni i Hercegovini. Projektni prijedlog mora biti u skladu s oblastima ovog javnog poziva.

Svi potrebni obrasci dostupni su na web-stranici <http://mladi.org/v2/bs/projekti/1/jacanje-vjestina-kod-mladih>.

Od aplikanata se traži da se **do 12. 10. 2018. do 16.00 sati** prijave, odn. da dostave nacrt projektnog prijedloga u elektronskom obliku, sa svim traženim priložima putem linka <http://mladi.org/myURL/17010n211341>. Nacrti projektnih prijedloga koji ne budu dostavljeni na navedeni način neće biti uzeti u razmatranje.

Napomena

Pošto je za apliciranje potrebno da je aplikant registriran na Online direktorij omladinskih udruženja, ukoliko Vaše udruženje nije registrirano, bit će potrebno da se registrirate, što može potrajati nekoliko dana te je potrebno da taj period planirate u pripremi slanja svoje aplikacije. Sve potrebne informacije imat ćete na linku prijave.

Pozadina

Mladi u Bosni i Hercegovini suočavaju se s nizom problema za koje je velikim dijelom odgovorna dugogodišnja nebriga institucija. Na skoro svim nivoima vlasti nedostaje programski i strateški pristup podrške poboljšanju položaja mladih u BiH. Iako postoje entitetski zakoni koji obavezuju vlasti da podržavaju mlade, usvajajući i primjenjujući strateške dokumente, tek 43% općina u BiH ima jednu takvu strategiju prema mladima. 62% općina ima službenika/cu koji se bavi pitanjima mladih, s tim da oblast „mladi“ u većini slučajeva ne doseže ni 20% njihovog radnog vremena jer se bave i drugim poslovima. Ni lokalna predstavnička vlast ne donosi pozitivne brojke: 81% općina ima komisiju za mlade u sastavu vijeća/skupštine, ali u 49% općina komisija za mlade nije funkcionalna. Ista općinska vijeća/skupštine usvojili su (ili nisu) budžete za podršku aktiviranja mladih: Tamo gdje postoje budžeti za mlade, u 44% ne prelazi 10 hiljada maraka. Dugi niz godina organizacije koje rade na pitanjima mladih trude se da se postojeće stanje unaprijedi. Da bi to djelovanje bilo dugoročno održivo, potrebno je neprestano pružati podršku u provođenju aktivnosti i inicijativa koje doprinose unaprjeđenju politike prema mladima. U cilju da se pomogne mladim ljudima i ojača sektor rada s mladima, te da se unaprijedi situacija u Bosni i Hercegovini, Institut za razvoj mladih KULT potiče liderstvo kod mladih za aktivno učešće u demokratskim procesima i s tom namjerom objavljuje Javni poziv za finansiranje projekata za mlade u BiH (oznaka poziva: 17.01.0-N2.1-1341).

Oblasti javnog poziva

Projektni prijedlozi moraju se isključivo odnositi na **unaprjeđenje politike prema mladima u BiH**.

Projektni prijedlozi odnose se na sljedeće oblasti koje se vežu za unaprjeđenje politike prema mladima u BiH:

- uspostavljanje zakonima predviđenih mehanizama politike prema mladima na svim nivoima vlasti kroz zagovaračke inicijative;
- provođenje zakona o mladima u FBiH/RS/BD;
- povećanje učešća mladih u procesima donošenja odluka.

Moguće teme projektnih prijedloga, a koje su vezane za gore navedene oblasti su sljedeće:

- Zapošljavanje mladih
- Obrazovanje mladih
- Učešće mladih
- Zdravstvena zaštita mladih
- Socijalna briga o mladima
- Informiranje i mobilnost mladih
- Sport, kultura i slobodno vrijeme mladih
- Ljudska prava i pitanja ravnopravnosti spolova iz perspektive mladih ljudi.

Uvjeti i procedure za apliciranje

Institut za razvoj mladih KULT dodjeljuje sredstva za grantove usmjerene na pružanje podrške aktivnostima nevladinih organizacija u BiH za unaprjeđenje politike prema mladima. Projektni prijedlozi mogu se dostavljati za cjelokupni ili djelomični iznos sredstava potrebnih za implementaciju kandidiranog projekta, s tim da najmanje 51%, a najviše 100% ukupnog iznosa projekta mora biti finansiran iz sredstava po ovom javnom pozivu. Institut za razvoj mladih KULT zadržava pravo da dodijeli bilo koji broj grantova, prema vlastitom nahođenju i procjeni, ili da ne dodijeli nijedan grant.

Minimalan iznos sredstava koja se traže od Instituta ne može biti manji od 30.000,00 BAM a maksimalan iznos traženih sredstava ne može prelaziti 50.000,00 BAM (bez uključenog poreza na dodanu vrijednost).

Projekti trebaju trajati najkraće 5 mjeseci, a najduže 12 mjeseci.

Tokom provođenja projekta aplikant će biti odgovoran za upravljanje sadržajnim i finansijskim dijelom projekta, kao i za narativno i finansijsko izvještavanje prema Institutu.

Aplikacije i tražena dokumentacija moraju biti napisane na jednom od službenih jezika i pisama Bosne i Hercegovine. Aplikacije moraju biti popunjene elektronski.

Aplikanti ne mogu dodjeljivati podgrantove u okviru ovog javnog poziva. Aplikant mora provoditi u okviru svog tima najmanje 80% aktivnosti projekta, dok preostalih 20% može provoditi projektni partner.

Nepotpune aplikacije, aplikacije koje pristignu nakon navedenog roka, aplikacije koje ne budu dostavljene na predviđeni način, kao ni prijave na neodgovarajućim obrascima neće biti uzete u razmatranje.

Sva pitanja koja se tiču ovog javnog poziva dostavljaju se isključivo putem e-mail adrese: nejra.neimarlija-roic@kultbih.org (subject/predmet: *Upit 17.01.0-N2.1-1341*).

Proces odabira projekata

1. faza

Projektni prijedlozi dostavljaju se najprije samo u formi nacrtu projektnog prijedloga. Obrazac za nacrt projektnog prijedloga (OBR-NPP) može se preuzeti na linku <http://mladi.org/myURL/grantovi>. Aplikacije koje umjesto u nacrtu projektnog prijedloga budu dostavljene u obrascu za cijeli projektni prijedlog neće biti uzete u razmatranje.

Svaka organizacija može aplicirati s najviše jednim nacrtom projektnog prijedloga. U slučaju da neka organizacija dostavi više od jednog projekta, u obzir će se uzeti samo prva pristigla aplikacija.

Aplikanti mogu, ali ne moraju imati partnera u projektu. U slučaju da imaju partnera ili više njih, za svakog partnera zasebno ispunjavaju obrazac izjave o partnerstvu (OBR-IZP). Sve aktivnosti se trebaju realizirati u BiH.

Komisija za evaluaciju projektnih prijedloga Instituta za razvoj mladih KULT obavlja preliminarnu ocjenu nacrti projektnih prijedloga na osnovi informacija i dokumentacije koju su predali aplikanti.

Preliminarni pregled obuhvata sljedeće kriterije:

1. cjelovitost prijave:
 - Komisija za evaluaciju će ocijeniti je li zaprimljena sva dokumentacija koja je u pozivu navedena kao obavezna;
2. usklađenost s kriterijima za odabir:
 - Na osnovi zaprimljene dokumentacije, Komisija za evaluaciju će ocijeniti ispunjava li aplikant kriterije za odabir;
3. prethodno ostvareni rezultati u sektoru unutar kojeg se organizacija prijavljuje na poziv:
 - mladi su jedna od glavnih ciljnih korisničkih grupa aktivnosti koje provodi organizacija;
 - organizacija se trenutno bavi pitanjima mladih i ima iza sebe ostvarene rezultate u omladinskom sektoru.

Komisija za evaluaciju kontaktirat će osobe navedene za kontakt i preporuke kako bi se provjerili podaci o prethodno ostvarenim rezultatima.

- Ova komunikacija će se primarno odvijati elektronskim putem, a mogući su i drugi alternativni načini komunikacije kao npr. telefonom ili, u određenim slučajevima, na sastancima.

Kriteriji:

Kriteriji po kojima Komisija ocjenjuje pristigle projektne prijedloge, može se preuzeti na linku <http://mladi.org/myURL/grantovi>.

Prilikom ocjene projektnih prijedloga prednost će imati projektni prijedlozi koji/ma:

- imaju specifičan, odgovoran pristup i metodologiju rada s mladima,
- organizacije koje trenutno rade na poboljšanju položaja mladih,
- uključuju izravnu podršku ili zagovaranje u ime mladih,
- predstavljaju zagovaračku inicijativu za rješavanje nekog postojećeg problema mladih,
- nisu isključivo namijenjeni jednoj ciljnoj grupi mladih ljudi,
- imaju prednost projekti čiji je učinak vidljiv na širem teritoriju od jedne lokalne zajednice,
- sadrže aktivnosti koje predviđaju direktnu saradnju s mladima,
- ne temelje se isključivo na izradi i distribuciji promotivnog i zagovaračkog materijala,
- ne temelje se isključivo na održavanju obuka i seminara,
- pokazuju da postoje realne mogućnosti da se postigne rezultat tokom trajanja projekta ili netom nakon toga,
- pokazuju sposobnost za uspješno partnerstvo s vlastima, drugim organizacijama i raznim interesnim stranama koji rade s mladima u BiH,
- promoviraju održivost ostvarenih projektnih ciljeva i rezultata,
- stvaraju sinergiju tako što uključuju druge organizacije kao saučesnike u procesu,
- nisu dopuna ili ponavljanje nekog drugog projekta.

Nakon što Institut ocijeni i rangira sve pristigle nacrti projektnih prijedloga, svi aplikanti će biti informirani o ishodu ocjene njihove aplikacije. Oni nacrti projektnih prijedloga koji budu pozitivno ocijenjeni, ulaze u 2. fazu apliciranja.

2. faza

Institut za razvoj mladih KULT će od aplikanata koji su uspješno prošli 1. fazu tražiti da dostave cijeli projektni prijedlog na obrascu OBR-PRP, koji se može preuzeti na linku <http://mladi.org/myURL/grantovi>. Pored projektnog prijedloga potrebno je dostaviti detaljan budžet sa svim stavkama (uključujući i narativni budžet, koji detaljno opisuje stavku, te obrazlaže njenu cijenu i količinu) na obrascu OBR-PRB. Budžet treba biti izražen u konvertibilnim markama (BAM). Iznosi trebaju biti bez uključenog PDV-a. Obrazac za budžet može se preuzeti na linku <http://mladi.org/myURL/grantovi>. Svi troškovi trebaju nastati u BiH.

ŠTA SE PO OVOM JAVNOM POZIVU NE MOŽE FINANSIRATI:

- infrastrukturni projekti
- naknade državnim službenicima
- naknade osobama koje imaju prebivalište van BiH
- nabavka opreme
- školarine i individualne edukacije
- avionske karte, kazne, PDV, kamate
- tekući troškovi rada organizacije
- troškovi nastali prije potpisivanja ugovora, troškovi pripreme projektnog prijedloga

Nakon procjene cijelih projektnih prijedloga, svi aplikanti će biti informirani o ishodu ocjene njihove aplikacije.

Oni projektni prijedlozi koji budu pozitivno ocijenjeni, ulaze u fazu pregovora o dodjeli granta, a po uspješnoj fazi pregovora o dodjeli granta i u fazu potpisivanja ugovora.

Uvjeti dodjele granta

Organizacije koje budu imale najbolje projektne prijedloge i budu odabrane u uži krug kandidata dužne su omogućiti Institutu za razvoj mladih KULT da izvrši predgrantovsku procjenu rada i poslovanja organizacije u prethodnom periodu. Predgrantovska procjena podrazumijeva analizu organizacijskih, finansijskih, administrativnih i ljudskih resursa aplikanta, kao i finansijsko, pravno i organizacijsko poslovanje.

Proces pregovora podrazumijeva i poboljšanje projektne aplikacije i budžeta.

Samo organizacije čiji projekti budu najbolje ocijenjeni, te koje uspješno prođu proces predgrantovske procjene i proces pregovora mogu biti korisnicima granta.

Institut zadržava pravo da ne dodijeli nijedan grant ili ne dodijeli sva sredstva raspoloživa po javnom pozivu, u slučaju da aplikacije ne zadovoljavaju kriterije predviđene ovim javnim pozivom.

Institut nije dužan obrazlagati aplikantima rezultate javnog poziva niti učiniti javnim podatke o aplikantima, aplikacijama ili o procjeni projektnih prijedloga.

Aplikanti koji budu pokušali na bilo koji način manipulirati podacima, koji budu kontaktirali uposlenike/ce Instituta s namjerom da neslužbeno saznaju rezultate ocjene projektnih prijedloga ili budu pokušali na nelegalan način dobiti projektna sredstva, bit će automatski isključeni iz procesa odabira.

Potpis ugovora o dodjeli granta podrazumijeva, pored implementacije projektnih aktivnosti, i spremnost organizacije da aktivno učestvuje u razvoju svojih organizacijskih kapaciteta uz punu podršku Instituta za razvoj mladih KULT.

Razvoj organizacijskih kapaciteta podrazumijeva:

- implementaciju nalaza i preporuka iz predgrantovske procjene;
- učešće na edukacijama i treninzima koje organizira Institut za razvoj mladih KULT;
- korištenje alata za samoprocjenu organizacijskih kapaciteta i provedbu procesa u organizaciji;
- aktivan rad na unaprjeđenju postojećih pravilnika i procedura koji uređuju rad organizacije, tamo gdje to bude potrebno.

Rok za dostavljanje nacrtu projektnog prijedloga

Od aplikanata se traži da **do 12. 10. 2018. do 16.00 sati** dostave nacrt projektnog prijedloga u elektronskom obliku, sa svim traženim priložima putem linka <http://mladi.org/myURL/17010n211341>. Nacrti projektnih prijedloga koji ne budu dostavljeni na navedeni način ili ne budu pristigli do navedenog roka neće biti uzeti u razmatranje.

Uz podršku
Švedske ambasade u Bosni i Hercegovini